

Bosna i Hercegovina
Federacija Bosne i Hercegovine
Zeničko-dobojski kanton
GRAD ZENICA
Služba za socijalnu zaštitu, stambene
poslove i društvene djelatnosti

Broj: 07-11-10192/25
Zenica, 07.05.2025. godine

STRUČNA SLUŽBA GRADSKOG VIJEĆA

PREDMET: Stav Službe

Izvještaj o radu JU „Dom - porodica“ Zenica za 2024. godinu
- dostavlja se

U ime osnivača Služba za socijalnu zaštitu, stambene poslove i društvene djelatnosti, razmotrila je Izvještaj o radu JU „Dom - porodica“ Zenica za 2024. godinu, shodno Statutu Grada, Odluci o osnivanju i ovlaštenjima iz Zakona o ustanovama, te zadržavanju prava osnivača. Uz Izvještaj o radu razmotren je Finansijski plan i Plan poslovanja za 2025. godinu, Izvještaj o radu Upravnog odbora u 2024. godini, Finansijski izvještaj i mišljenje neovisnog revizora za godinu završenu 31.decembra 2024. i Izvještaj o radu Gradske narodne kuhinje Zenica u 2024. godini. Nakon analize i ocjene dokumenata, Služba konstatuje:

- Poslovanje JU „Dom – porodica“ Zenica u 2024. godini odvijalo se prema usvojenom Planu i programu poslovanja za 2024. godinu. JU „Dom-porodica“ Zenica je osnovana kao institucionalni oblik zbrinjavanja djece bez roditeljskog staranja od 0 do 18 godine, a ako se djeca školuju onda i duže. Kao Ustanova od posebnog društvenog značaja koja zbrinjavanje djece ostvaruje kroz adekvatan smještaj i obezbjeđivanje optimalnih životnih uslova za djecu, te stručno pedagoško vođenje tokom razvoja djece, tokom godina doživjela je i transformacije, te proširenje djelatnosti.
- Prosječan broj štićenika smještenih u Ustanovu po mjesecima je 76. Tokom 2024. godine u Ustanovu je primljeno 24 štićenika, ali je isto tako je zbog popunjenosti kapaciteta i neadekvatnih uslova za pružanje odgovarajućih usluga odbijen prijem za 25 štićenika. Najveći broj štićenika je sa područja ZE-Do kantona.
- Ustanova je i u 2024.godini obavljajući poslove iz djelatnosti za koju je osnovana u okviru zakonskih normi ostvarila javnu funkciju i opravdala status od posebnog značaja za Grad.
- Ustanova ima 65 zaposlenika, od kojih je prema kvalifikacionoj strukturi najviše VSS radnika, a potom NK radnika (VSS - 21 , VŠS - 4, SSS -12, KV – 5, NK- 23).
- Najznačajniji prihodi Ustanove obezbjeđuju se kroz osnovnu djelatnost, uslugu smještaja djece (zbrinjavanje djece bez roditeljskog staranja) i u tom smislu Ze-do kanton finansira smještaj djece bez roditeljskog staranja, dok se učešće Grada ogleda u finansiranju djelatnosti Ustanove. U Budžetu Grada Zenica za ovu namjenu u 2024. godini opredjeljeno je 540.830,00 KM. Navedenim prihodima se pokriva 62 % ukupnih troškova rada Ustanove.

- Prihodi od usluge spravljanja i distribucije obroka za korisnike Gradske narodne kuhinje, odnosno realizacije Projekata Gradska narodna kuhinja i Pekara su dodatni prihodi Ustanove.
- Prihodi od donacija iznose 584.203 KM i čine 22% ukupnih prihoda Ustanove.
- U okviru realizacije projekta Gradska narodna kuhinja u toku 2024. spravljeni su gotovi obroci za potrebe Ustanove, Malog porodičnog doma, Gradske narodne kuhinje kao i za korisnike JU „Centar za djecu i odrasle osobe sa teškoćama u razvoju“.
- Prema izvještaju nezavisnog revizora Ustanova je poslovala sa dobitkom od 412,00 KM (prihodi 2.725.685,00 i rashodi 2.725.273,00 KM).
- Upravni odbor je razmatrao i usvojio Izvještaj o radu Ustanove za 2024. godinu, Plan prihoda i rashoda za 2025. godinu i finansijske izvještaje.
- Upravni odbor je ocijenio rad direktora JU „Dom-porodica“ Zenica Arnaut Halila pozitivnim, naglašavajući doprinos direktora kod uspostave saradnje sa vladinim i nevladinim sektorom, realizaciju brojnih projektnih aktivnosti koje su doprinijele poboljšanju uslova rada uposlenika ali i boravku štićenika u Ustanovi, te rad na stvaranju uslova za uspostavljanje novih usluga koje proizilaze iz procesa transformacije ustanove.

Saradnja Službe sa menadžmentom Ustanove je izuzetno dobra u smislu međusobne komunikacije te realizacije osnivačkih obaveza.

Cijeneći sve navedeno Služba za socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JU „Dom-porodica“ Zenica za 2024. godinu na razmatranje i usvajanje.

PRILOZI:

1. Izvještaj o radu JU „Dom-porodica Zenica“ za 2024. godinu sa Planom poslovanja za 2025. godinu i izvještajem o radu Upravnog odbora u 2024. godini sa ocjenom rada direktora Ustanove,
2. Zaključak Upravnog odbora o usvajanju Izvještaja o radu JU „Dom-porodica“ za 2024. godinu broj: 01-722/25 od 29.04.2025.g.,
3. Zaključak Upravnog odbora o usvajanju Finansijskog plana JU „Dom-porodica“ za 2025. godinu broj: 01-724/25 od 29.04.2025.g.,
4. Finansijski izvještaji i mišljenje neovisnog revizora za godinu završenu 31. decembra 2024. JU „Dom- porodica“ Zenica,
5. Zaključak Upravnog odbora broj: 01-725/25 od 29.04.2025. godine,
6. Izvještaj o radu Gradske narodne kuhinje Zenica u 2024. godini,
7. Zaključak Upravnog odbora broj: 01-723/25 od 29.04.2025. godine.

DOSTAVLJENO:

1 x Naslov

2 x a/a

